

永
定
河
志

永定河志目錄

卷九 考七

建置考

碑亭 祠廟
廨署公館

永定河志卷九

建置考

河臣臧司疏築無所謂建置也然九十餘年

諭旨頻頒

宸章式煥豐碑所勒咸仰

睿謨而建廟冊封亦成民致神之要務下至河官廨舍
不惜帑金隨時修葺凡所以為斯河計者至
周且悉雖萬世法程焉可也

碑亭

御製詩文碑亭

碑附

盧溝橋東碑亭一座康熙八年十一月建敬刊

聖祖仁皇帝御製盧溝橋文

南惠濟祠碑亭一座康熙三十七年十二月建敬刊

聖祖仁皇帝御製永定河神廟文

皇上御製安流廣惠永定河神廟文

御製七言律詩一章內東西兩壁恭勒

御題石額

盧溝橋西碑亭一座康熙四十年十一月建敬刊

聖祖仁皇帝御製察永定河詩一章

北惠濟廟碑亭一座雍正十年四月建敬刊

世宗憲皇帝御製石景山惠濟廟文

皇上御製五言律詩一章亭門恭懸

御題石額

北惠濟祠碑亭一座乾隆十五年三月建敬刊

皇上御製閱永定河詩一章

御製閱永定河隄示直隸總督方觀承之作一章

盧溝橋東碑亭一座乾隆十六年建敬刊

御書盧溝曉月

御製七言律詩一章

盧溝橋東碑亭一座乾隆五十一年二月建敬刊

御製重葺盧溝橋記

御製過盧溝橋詩并序

南隄七工舊南隄二號碑亭一座乾隆十八年二月建敬刊

御製觀永定河新移下口處兼示總督方觀承永定河道白鍾山詩四章

南隄八工十五號碑亭一座乾隆十八年二月建敬刊

御製取道閱永定河即事成韻詩一章

南岸二工十四號河神祠碑亭一座乾隆三十八年三月建敬刊

御製隄柳詩一章

御製閱金門閘詩一章

北岸二工七號河神祠碑亭一座乾隆三十八年
建敬刊

御製瞻謁永定河神祠詩一章

御製永定河作詩一章

北隄八工三號隄上碑亭一座乾隆三十八年三月建立敬刊

御製永定河記

御製往永定河下口輿中作詩一章

御製閱永定河示衆曰修周元理何焯詩一章

奉刊禁止河身內增益民房

上諭碑三座乾隆十八年三月立

一在南岸四工四號隄上

一在南隄七工五號隄上

一在北隄七工廢北埝頭號

此碑久淤

奉刊金門閘過水後濬淤

上諭碑一座乾隆三十八年六月立在南岸二工金門

閘南壩臺

永定河事宜碑五座乾隆三十八年三月立

一在河道署儀門左

一在南惠濟廟正殿前

一在南岸四工五號內

一在北岸三工十五號隄上

一在北隄七工頭號隄上

祠廟

盧溝之有河神祠自金大定十九年始冊封安平侯春秋廟祭如令元至元十六年進封顯應洪濟公明正統二年亦建河神廟於固安隄上復民二十戶俾司巡視祠典所謂捍禦災患是

也我

朝定鼎燕京百靈呵護盧溝橋襟帶

神州尤為切近康熙三十七年

聖祖仁皇帝軫念民生築隄開河

賜名永定

敕封河神立廟於盧溝橋南雍正九年

世宗憲皇帝復建廟於石景山南龐村並

敕撥地畝以供祀事乾隆十六年我

皇上復加封永定河神為安流惠濟之神廟名惠濟
時巡展謁用光祀典精誠所格靈應屢昭安瀾遂永慶
矣司河諸臣仰荷

神佑因請於固安城東西及南北岸三角淀皆各建
廟朔望展謁如制凡以仰承

聖朝懷柔之盛典云

石景山北惠濟祠在東岸四號龐村雍正十年

敕建神閣

五間

閣前碑亭

一座

東西禪房

各六間

廂房

各三間

正殿 三間

東西配房

各三間

耳房

各三間

前殿

三間

殿

前碑亭

一座

鐘鼓樓

二間

旗杆

二豎

山門

三間

東

西角門 二間

東西木牌坊

二座

戲樓

一座

祠

西北

極廟正殿

一間

山門

一間

前殿恭懸

世宗憲皇帝御題匾額

皇上御題匾額

閣前碑亭恭懸

皇上欽頒石景山禮惠濟祠因成一律詩一章

前殿碑亭恭懋

皇上欽頒石景山禮惠濟祠詩二章

戲樓西鐵牛一具

長六尺
高二尺

乾隆三年十一月

欽差監造

興隆廟在石景山東岸十七號明正統三年建正

德元年重修雍正九年乾隆四十年又捐修

河神殿

三間

南北配房

各三間

山門一間

南惠濟祠在石景山東岸二十號康熙三十七年

敕建雍正十年增建神閣乾隆三十九年領帑承修神

閣五間耳房二間東西禪房六間佛殿三間東西

廂房六間東配殿三間河神殿三間碑亭一座東

西廂房六間鐘鼓樓二座旗杆二豎山門三間東

西角門二間東西牌樓二座戲樓一座閣後公所

上房三間羣房九間

佛殿西首乾隆三十九年恭建

座落房三間

正殿恭懸

聖祖仁皇帝欽頒題額乾隆四十一年

皇上御題對聯

南岸頭工惠濟廟在二十四號隄上乾隆三十六
年建

玉皇廟康熙三十二年

敕建原在二十七號隄西因年久傾圮逼近險工乾隆二

十六年領 帑承修移建於公義莊村東三十六
年隄潰冲塌三十七年領 帑承修改建於二十
五號舊隄內

正殿 三間 南北配殿 六間 廟後三清殿 三間

座落房 三間 娘娘廟 三間 山門 一間 公寓 三間

正殿恭懸

聖祖仁皇帝欽頒題額

正殿前恭懸

皇上欽頒匾額對聯

南岸二工惠濟廟在十四號金門閘南壩臺上乾隆四十七年建

神宇 三間

南岸三工惠濟廟在長安城村北乾隆四十五年修

正殿 三間 山門 三間

固安縣城西惠濟廟雍正十一年增修

正殿 三間

東西廂房 六間

佛殿 五間

東西廂房 六間

東客堂 三間

山門 一座

東西角門 二座

戲樓 一座

固安縣城東惠濟廟雍正十一年增修

正殿 三間

東西配房 六間

後殿 三間

東西廂房 四間

山門 一座

東西角門 二座

戲樓 一座

南岸四工惠濟廟在五號隄上乾隆十五年建三

十一年修四十二年重修

正殿 三間

東西廂房 六間

禪房 三間

山門 一座

風神廟在五號隄上乾隆四十二年建

正殿 三間 山門 一座

南岸五工惠濟廟一在十四號曹家務西一在二十五號隄上建蓋年月無考乾隆四十九年移二十五號廟建於十五號隄上

正殿 三間 耳房 六間 山門 一座

南岸六工惠濟廟在十一號隄西雙營村乾隆三十年重修

正殿 三間

東西配房

六間

耳房

四間

二門

一間

山

門 三間

東西角門

二間

殿後總督防汛署

北岸下頭工惠濟廟在二十五號隄上乾隆十二年建

正殿

三間

山門

一座

北岸二工惠濟廟在七號隄上乾隆三十七年建

正殿

三間

東廂房

三間

座落房

三間

禪房

五間

山門

一座

碑亭

一座

正殿恭懸

御題匾額對聯

座落房恭懸

御題聯額

御製怵哉榭詩三章

北岸三工惠濟廟在十五號隄上乾隆九年建二
十七年四十年重修

正殿三間
山門一座

北岸五工惠濟廟在十號隄上乾隆四十六年由
北岸六工移建

正殿 三間 東西配房 六間 山門 一座

北隄七工惠濟廟原在孫家坨北埝堤上乾隆二
十三年建三十五年移建於北埝上汛工頭四十
六年重修

正殿 三間 南北廂房 六間 禪房 三間 山門 一座

河神廟在北隄七工遙埝十五號南乾隆三十八

年三月恭逢

皇上閱視永定河下口預備

座落房三間方亭一座欽奉

諭旨改為河神廟是年八月修建

正殿 三間 方亭 一座 東廂房 三間 山門 一座 禪堂

三間

衙署

河工官吏巡防修守皆須身居河隄乃免曠誤

設官之初兩分司建署於固安縣城內其同知筆帖式等官皆給房價於分管界內賃居民房速改設河道等官以固安為適中地因建道署而同知以下參酌舊章乾隆三年

奏准分防各汛支銷六年房價各建汛署於所管隄上於是同知通判陸續建署於所轄近河之地其分防各汛或因河流遷改動帑另建或歷十餘年酌給修費俾風雨晝夜寢食其間所以

重四防也每歲大汛之期河道率文武員弁皆
駐宿隄上總督亦移節河干於是復建防汛公
署焉

北岸分司署在固安縣城內北新街西

大堂

三間

東西科房

六間

二堂

五間

內宅

三間

二

門

三間

頭門

三間

康熙三十七年

建雍正四年改

為河道署

為河道署

南岸分司署在固安縣城內牛市巷

建寧府志卷九
永定河志卷九

制同北岸分公司署康熙三十七年建雍正四年移
建北關街東為總河防汛署乾隆十五年拆移長
安城為總督防汛署

河道署即北岸分公司舊署地本低窪乾隆二十八
九年雨水三面圍浸三十年拆建南關外東隅

照牆一座東西木柵轅門二座旗杆二豎鼓樂亭

二座頭門三間文武官廳六間號房四間外巡捕

廳房四間儀門五間大堂五間右庫東西科房十

左巡捕廳

間
科神廟 一間
宅門 一間
二堂 三間
東書房 六間

南書房 六間
防庫兵房 二間
西書房 六間
東院房

五間
祀堂 三間
廚房 三間
川堂 六間
羣房 十一間

花廳 三間
內宅 五間
廂房 六間
馬神祠 三間
馬房

十間
更舖 八間

石景山同知署原給房價歲八十兩在盧溝橋左

近賃居民房乾隆三十年領銀建於拱極城內

照牆 一座
東西角門 二座
頭門 三間
儀門 三間
大

堂 三間 東西科房 六間 宅門 三間 二堂 三間 東西

廂房 六間 南客廳 三間 北書房 三間 內宅 五間 東

西廂房 四間 廚房 二間 羣房 四間 馬房 三間

南岸同知署原給房價歲八十兩在固安縣左近

賃居民房乾隆三十年領銀建於固安縣城東祖

家場村南

照牆 一座 頭門 三間 儀門 三間 大堂 三間 東西科

房 六間 宅門 一座 二堂 三間 東西廂房 四間 東書

房 三間 內宅 六間 廚房 三間 後院房 八間 馬房 五間

北岸同知署原給房價歲八十兩在永清縣半截河東賃居民房乾隆三十年領銀建於固安縣北

張化村東

照牆 一座 頭門 三間 儀門 三間 大堂 三間 東西科

房 六間 宅門 二間 二堂 三間 東西廂房 四間 西書

房 三間 內宅 三間 東西廂房 四間 廚房 三間 馬房

三間

清定河志卷九

三角淀通判署原給房價歲八十兩在武清縣王慶坨賃居民房乾隆三年移駐天津縣楊柳青七年因原管之子牙河及靜海青縣閭柳二村隄工改隸子牙河通判復移駐於王慶坨十三年建署於村東十九年被水浸圯二十年因北岸六工改移下口河漸北徙隨河移駐以便巡查至三十年詳准於葦租項下歲給房價八十兩於北隄賃房

駐劄

分防各汛署原給房價歲十六兩就分管界內賃居民房乾隆三年

奏准支銷六年房價於所管隄上各建署十間十五
三十八等年三角淀屬六汛因下口屢遷動帑
另建其餘各汛每厯十餘年給項修理

南岸頭工宛平縣縣丞舊署在六號乾隆四十五年
被雨淋塌該汛於二十五號險工捐建土房一

所

南隄七工東安縣縣丞原駐永清縣水窖村乾隆十五年水窖草壩改河領銀移建於南埝五號隄上二十四年塌倒移建於南岸下七工舊署即今舊南隄十七號署也三十八年因距河遠領銀另建於永清縣蛤蜊港村南廢北埝隄上四十五年河行埝間將署冲塌詳明借支養廉仍移建於舊南隄十七號

南隄八工武清縣丞舊署原在東安縣宋流口
隄上乾隆十五年改河南埝分上中下三汛八工
為中汛拆八工舊署移建於南埝下汛十二號為
下汛署以王慶坨三角淀縣丞舊署為中汛署後
被水冲塌移駐舊南隄十九號隄上三十八年因
距河遠領銀另建於東安縣老隄頭村隄上四十
五年河徙老隄頭汛署冲塌詳明借支養廉拆湊
兩舊署木料移建於舊南隄六號隄旁

南隄九工武清縣縣丞原駐王慶坨乾隆十年建署村東十五年改下口該汎改為南埝下汎拆南岸八工舊署木料移建於南埝下汎十二號隄上為該汎署三十八年以距河遠領銀另建於葛漁城村後廢北埝隄上四十六年該汎縣丞調管北岸上頭工其九工汎務以淀河州判兼管遂將廢北埝州判縣丞兩舊署坍塌木料仍移建於南隄九工十二號隄上

浞河霸州州判原司疏濬歲支房價十六兩賃居
武清縣王慶坨民房乾隆三十八年因添設浚船
交該州判管理領銀建署於葛漁城村後廢北埝
隄上四十六年兼管南隄九工汛務將廢北埝州
判並九工舊署已圯之木料借支道庫銀兩移建
於南隄九工十二號

北岸上頭工汛乾隆四十六年新分調南隄九工
武清縣縣丞經管捐建署於宛平縣立垡村前

北隄七工東安縣主簿原駐北岸下七工隄上乾隆十五年改河移駐東安縣惠家鋪以該處非該汛管理領銀移駐北埝十二號隄上二十八年河出北埝汛署冲塌移駐遙埝十二號隄上三十二年河出遙埝又移駐越埝

即今北隄

十二號隄上三十八年領銀重修四十六年坍塌復借養廉修理

北隄八工武清縣主簿原駐陶河隄上十五年改河北埝分上中下三汛該汛為北埝中汛拆北岸

八工舊署移建於武清縣石各庄前隄上為北埝
下汛署以三角淀主簿原駐東安縣之惠家鋪舊
署為北埝中汛署二十八年河出北埝汛署衝漂
移駐遙埝三十二年河出遙埝另建於越埝十二
號隄上三十八年領銀重修四十六年因年久傾
塌借支庫項修葺

北隄九工東安縣主簿署原在東安縣惠家鋪乾
隆十五年改河該汛改為北埝下汛以惠家鋪舊

署為北埝中汛署拆北岸八工舊署移建於石各莊隄上為北埝下汛署二十八年河出北埝汛署冲漂移住遥埝三十二年河出遥埝另建於越埝九號隄上三十八年領銀重修四十六年因年久傾圯借支庫項修葺

河營守備乾隆六年以固安縣入官房改建在固安縣西門內

前進門房

七間

大堂

五間

耳房

二間

東西廂房

四

到住房 五間

東西廂房 四間 後進羣房 八間

石景山千總歲給房價銀十六兩在宛平縣支領
南北岸千總歲給房價銀十六兩在固安縣支領
南北岸把總未建署亦未給房價

浚船把總乾隆三十八年領銀建於東安縣葛漁
城村北四十五年被水衝漂

東隄經制外委前在石景山水關任歲給房價銀
十六兩乾隆十六年移駐鳳河東隄領銀建署於

雙口村北丁家莊隄上

前門一間 正房三間 廂房四間

防汛公署

總督防汛公署二所

一在宛平縣長安城村北乾隆十六年置買地基以固安縣北關外總河防汛署移建

大門一座 文武官廳六間 巡捕廳二間 號房一間

二門一座 門房三間 大堂三間 東西廂房六間 住

房 三間 辦公房 三間 書房 三間 箭亭 三間 科房 五

間 廚房 三間 更舖 一間

一在永清縣雙營村惠濟廟後乾隆三十年建

二門 一座 正房 三間 耳房 各二間 東西廂房 各三間

河道防汛公署二所

一在南岸三工六號隄上

正房 三間 廂房 二間 前進 三間 後進 三間

一在南岸四工五號隄上

大門一間 正房三間 後進三間 科房四間 庫房六

間 號房一間 馬房三間

南岸同知防汛公署二所

一在南岸三工十五號隄上

前進三間 後進三間 廚房二間 馬房二間

一在南岸四工五號隄上

正房三間 東西廂房六間

北岸同知防汛公署一所

在北岸三工十五號隄上

正房 三間 廂房 二間 廚房 一間 馬房 一間



永定河志卷九

永定河志目錄

卷十

奏議一

康熙三十七年
至六十一年

永定河志卷十

奏議一

治河無永逸之策治永定河之策為尤難自建
隄迄今九十年來仰荷

列聖相承

指授方略屢遣重臣經理

聖謨洋洋敬弁簡首矣任事王大臣親承

德意周覽形勢相度機宜規畫盡善而後陳奏復經

睿覽裁定而後施行或順勢利導或思患預防或救弊遷
改規為制作前後雖不相沿要皆因時因地以
制其宜今初建隄工及設官設兵諸原奏已無
存就其存者彙為九卷雖事非現行具列於牘
取其因革損益原委燦然司河務者或因或創
均可奉為程式矣

康熙三十七年十一月三十日總河于成龍口奏
永定河河兵錢糧若照營兵例差員移取守道遷

延日久以致遲悞嗣後河兵錢糧工料銀兩須令將就近房山霸州文安大城雄縣任邱安肅定興固安永清東安武清等州縣地丁錢糧竟解分司衙門給發河兵預備工料等項庶不致有悞其餘剩錢糧該州縣仍照常解送守道等因啟

奏奉

旨好欽此

康熙三十七年十二月初二日總河于成龍

奏為請

旨事先經臣口奏自朱家莊東起至郎城止後面修隄等因奉

旨依議欽此欽遵在案今看朱家莊東窪下之地南面被沙淤高北面地窪水向北漫流去莊切近應自朱家莊隄起至孫家坨修隄二十餘里以阻漫水其地土脈頗好不必夯築照現修大隄丈尺堆修外孫家坨南所有高岡之處開寬間段挑挖將水

引入卽城東清河但水口關係緊要興工之際催募附近州縣民夫可也謹

奏奉

旨依議欽此

康熙三十七年十二月初二日總河于成龍為請
旨事臣等看得永定河北岸沙隄自盧溝橋起至張客
村止已經堆修其南岸沙隄因舊河口未經修築
攔河壩是以未修沙隄俟舊河口攔河壩修成之

日再將沙隄堆修此項應用銀兩仍問守道取給
可也謹

題請

旨奉

旨依議欽此

康熙三十九年十二月十八日工部為欽奉

上諭事本年七月十九日奉

上諭永定河子牙河清河等河並高家堰等河所遣大

臣官員亦有捐助銀兩者亦有本身効力勤勞修完河工隄岸者交與工部將所捐銀兩數目並修完工程職名俱查明奏聞欽此臣部行文督催去後今據將職名開送前來理合開列具題等因奉

旨此內有交與工程未經修完者亦有所捐銀兩未經交完者將本發回俟交伊等工程修完所捐銀兩交完之日著李光地查明具題之時再議具奏欽此

康熙四十年九月二十九日工部為欽奉

上諭事會覆直隸巡撫李光地奏前事等因奉

旨王繼文係告老休致之員原無愆過並與吳赫錢珏
李煒黃性震等俱捐助銀兩又親身在工効力著從
優議敘具奏其交完銀兩人員著議敘具奏餘著議
奏該部知道欽此欽遵臣等會議得直隸巡撫李光
地疏稱奉

旨所遣永定河子牙河清河並高家堰等河原任各督
撫大臣官員修理工程並捐工銀兩奉

旨令臣查明具題除高家堰等處河工大臣官員所修工程並捐工銀兩已未完數已咨總河臣張鵬翮查明催完具題外臣查大臣內原在永定河捐銀之李輝祖顧汧卞永譽錢珏李煒吳赫王繼文劉兆麒王起元金鎡江有良李應鴈衛既齊線一信朱宏祚陳汝器宮夢仁王曰藻以上諸臣捐銀俱已交完惟王樞捐銀一萬五百兩尚未完銀七千四百四十五兩零董訥捐銀一萬五千兩尚未完

銀三千五十兩楊鳳起捐銀一萬四千兩尚未完
銀七千九百六十兩又永定河捐銀司道等官員
黃性震張霖陳廷統吳秉謙席永勛陳世安王珽
錢為青捐銀俱各交完至於工程修完與未經修
完者查得在永定河催工効力大臣內錢珏李煒
親身到工卞永譽差子弟家人到工俱已完竣吳
赫王繼文劉兆麒由永定河撥赴清河親身修工
於去歲完竣李輝祖卧病顧汧丁憂王樛病故俱

修工未完其餘王起元等一十二人係撥在南河
効力似應於南河核其工程完否其臣所奏委永
定河管理修工官員黃性震陳廷統及原在工効
力官員陳秉謙席永勛亦俱已催修完竣張霖陳
世安王璵錢為青等俱有捐銀並無到工効力陸
祚蕃到工効力催修完竣未有捐銀等因前來除
原在永定河捐銀撥往南河効力之王起元等應
俟南河工程完日總河查明具題到日再行議敘

外查王繼文捐銀一萬五百兩修過大城縣西隄
一萬五千四百一十四丈王繼文係原任雲貴總
督兼兵部侍郎以老病原官致仕應將王繼文給
以兵部尚書榮身吳赫捐銀一萬兩督催永定河
隄工二百丈又修過新安縣隄工一萬三千六百
六丈吳赫係原任侍郎以有玷官箴革職應將吳
赫給以三品頂帶榮身錢珏捐銀二千兩督催永
定河隄河一千一百丈錢珏係原任山東巡撫以

貪官不糾革職應將錢珏給以三品頂帶榮身李
煒捐銀一萬兩督催永定河隄河一千一百丈李
煒係原任山東巡撫以居官不好革職應將李煒
給以三品頂帶榮身黃性震捐銀二千兩直撫李
光地題留在工管理錢糧催趲工程黃性震係原
任布政使告病休致布政司應陞太常寺卿應將
黃性震給以太常寺卿榮身劉兆麒捐銀四千兩
修過任卽縣隄工一萬三千四十六丈五尺劉兆

麒係原任總督京察降二級應將劉兆麒復還原
降二級榮身現任刑部侍郎卞永譽捐銀八千兩
題明著伊子候選通判卞之綸督催永定河隄河
一千八十四丈應將卞之綸以陞任同知即用陳
廷統捐銀一千兩督催永定河隄河四百五十丈
直撫李光地題留在工管理錢糧催趨工程陳廷
統係原任道以苗蠻殺傷民兵疎防革職應將陳
廷統給以五品頂帶榮身席永勛捐銀三千兩督

催永定河隄河八百四十丈又督催堵塞沈家莊
漫口席永勛係原任員外郎以行止不端革職應
給以六品頂帶榮身吳秉謙捐銀二千兩督催永
定河隄工二百丈吳秉謙係原任道以監守自盜
錢糧例擬枷號四十日鞭一百吳秉謙呈稱情愿
在永定河効力捐銀二千兩經刑部具

題奉

旨吳秉謙從寬免其枷責著往永定河工所効力應將

吳秉謙給以七品頂帶榮身其餘交完銀兩各員
查李輝祖捐銀一萬四千兩李輝祖係原任侍郎
以茶陵州黃明等謀叛不據實具題革職應將李
輝祖給以四品頂帶榮身顧沂捐銀一萬兩顧沂
係原任巡撫以居官平常降二級調用應將顧沂
加三級張霖捐銀一萬兩張霖係原任布政使以
有玷官方革職應將張霖給以五品頂帶榮身陳
世安捐銀二千兩陳世安係原任道以輕浮暴戾

舉動乖張叅革應將陳世安給以六品頂帶榮身
王璵捐銀六百兩王璵係原任知府以罷軟叅革
應將王璵給以八品頂帶榮身錢為青捐銀五百
兩錢為青係原任知府以貪劣叅革應將錢為青
給以八品頂帶榮身其在工効力並未捐銀陸祚
蕃督催永定河隄工四百五十丈陸祚蕃係原任
道休致應將陸祚蕃加一級再查疏內稱王樑揚
鳳起所捐銀兩尚未全完等語續據直隸巡撫李

光地咨報董訥所欠捐銀三千五十兩已經全完
今據總河張鵬翔報稱董訥已經病故等語董訥
係在南河之人應俟南河工完具題到日併議其
王樛捐銀一萬五百兩尚未完銀七千四百四十
五兩零楊鳳起捐銀一萬四千兩尚未完銀七千
九百六十兩伊等俱經病故其未完銀兩已行文
各旗追取應毋庸議敘謹

題奉

旨王繼文著授兵部尚書銜餘依議修理永定河並未
動支庫帑其在工官員俱係情愿捐修或在工効力
者其所捐未完之銀非侵漁錢糧及為事捐贖可比
且其人亦已亡故若行令該旗著落家屬照數追賠
殊為可憫俱著從寬免其追取欽此

康熙四十年三月二十日即中佛保口奏臣會同
永定河分司色圖渾齊蘇勒前往琉璃河橋上看
得自橋起至東南佟村三十里橋西水深二三丈

以下一丈七八尺以上橋東水深一丈六七尺以下七八尺以上河寬二十丈十七八丈寬窄不等水甚多河底土脈好琉璃河永定河之間內有牯牛河一道尋問源頭自西山佛耳門戒壇太子峪起三股河流匯於石陽村流至佟村入琉璃河永定河竹絡壩斜向西北五里有老君堂村對此牯牛河似應修壩三段將水逼入永定河開挖小清河一道等因奉

旨交與分司等照此修理朕著這樣修理之處傳旨與巡撫李光地著前來看欽此

康熙四十年四月初十日分司色圖渾齊蘇勒口奏臣等仰遵

聖訓將牯牛河堵塞對永定河開挖修建草壩於本月初八日放水引入永定河其沙隄挖斷口處及大河崖入水口處俱應下埽保護以防渾水倒漾現在捲作大埽以備急用應派人看守等因告訴即

中佛保轉

奏奉

旨知道了分司等歡喜麼若牝牛河水大長即將旁邊挖開令向舊河流若永定河水大長著做埽以防倒漾欽此

康熙四十年四月二十八日工部咨覆直撫李光地疏稱三月二十日即中佛保啟

奏看得琉璃河永定河之間內有牝牛河一道尋問

源頭自西山佛耳門戒壇太子峪起三股河流匯
於石陽村至佟村入琉璃河永定河竹絡壩斜向
西北五里有老君堂村對此牝牛河似應修壩三
段將水逼入永定河開挖小清河一道等因奉

旨交與分司等照此修理朕著這樣修理之處傳旨與
巡撫李光地著前來看欽此臣至老君堂看視牝牛
河復至琉璃河辛莊等處看視牝牛河居琉璃河
之上游至老君堂村斜向竹絡壩五里挖河修壩

工程甚易為力俟永定河將乾時將牯牛河水逼入永定河接濟衝刷應聽分司等勒限完工等因奉

旨該部知道欽此相應行文直撫并劄行永定河分司知照可也

康熙四十一年正月二十七日工部為欽奉

上諭事臣等議得直隸巡撫李光地疏稱永定河西北老君堂等處開挖小清河以及兩頭河口打壩下

埽奉

旨交與分司色圖渾等修理今據色圖渾等呈稱挖小清河自老君堂牯牛河起至沙隄內止共挖河長六百九十七丈五尺面寬二丈五六尺至四丈不等底寬八尺三寸至三丈不等深六七尺至九尺不等並兩頭河口打壩下埽共用銀一千六百一十七兩五錢零等因前來查前項挑河打壩用過銀兩既經該撫查明具題應准開銷可也謹

題奉

旨依議欽此

康熙四十年五月初十日工部為請節錢糧豫籌
修築以濟河防事臣等議得直隸巡撫李光地疏
稱永定河南北兩岸設立河兵二千名原備險工
搶修防護之用一年內工程緊急惟桃花麥黃伏
秋時候此時搶修防護更急時或十日半月不等
兵遇緊急工程率多逃竄以致堵禦不速及水緩

停工嚴冬無事則又坐食糜餉應於二千名中揀
選年力精壯熟習樁埽有籍貫誠實者八百名分
給各工以為釘樁下埽守隄之用其餘一千二百
名全行裁汰餘餉銀一萬六千四百餘兩於工程
緊急時僱募附近民夫充用至裁兵餉銀應解道
庫令分司於需用時呈請撥給等語查該撫既稱
兵遇緊急工程率多逃竄以致堵禦不速無事又
坐食糜餉應如該撫所題將永定河兵裁去一千

二百名其裁兵餉銀應解道庫如遇工程緊急時
催募民夫將用過錢糧年終造冊題銷又疏稱賠
修大隄殘缺處所者止十之三四其不行賠修展
轉延挨悞事甚多臣屢行察勘業經彙疏題叅在
案今麥汎將至應暫支正項錢糧令分司修築完
固將用過錢糧於原修之員照依坍塌丈尺應賠
數目追還補項如有赴工賠修者仍准令照數賠
修等語查本年四月內該撫將不行賠修隄岸之

工部筆帖式陳思榮等題叅臣部會同吏禮兵三部覆將陳思榮等革職戴罪勒限半年賠修具題行文在案今該撫既稱麥汎將至應暫支正項錢糧修築將用過錢糧於原修之員照依坍塌丈尺應賠數目追還補項如有赴工賠修者仍准令照數賠修等語應准其動正項錢糧作速修築一面將用過銀兩仍照前題於陳思榮等名下照依坍塌丈尺應賠數目勒限半年追完如有赴工賠修

者准令照數賠修可也謹

題奉

旨依議欽此

康熙四十年六月二十一日工部為奏

聞事監修永定河石工侍講學士杜爾克等呈報職等
監修石工於本月十九日完工等因前來查永定
河兩岸土隄俱分交與筆帖式把總防守將此新
築石隄作何看守之處行文直隸巡撫永定河分

司等議奏可也謹

奏奉

旨依議欽此

工部為奏

聞事案查直撫李光地疏稱永定河張客村地方今歲
新築石隄部議作何看守行臣並永定河分司等
議奏臣查石隄堵禦舊河且明年尚有接做工程
若保守不嚴恐妨明歲新工似應交與分司及本

工筆帖式把總看守再著該地方協同巡防保守
等因奉

旨該部知道這本內合縫損壞不合著飭行相應行文
直撫可也

康熙四十年六月二十六日工部為請

旨保守直隸河隄以期永久事臣等會議得直隸巡撫
李光地疏稱永定河及大城靜海等處隄工告竣
經修人員令其保守三年捐銀諸督撫應否令其

一例保守之處伏乞

聖裁等因具

題奉

旨這河工捐銀全完及經修完工人員免其限年保守
欽此應將此等人員所承修工程交與各該地方官
防守又疏稱清河無分工筆帖式隄岸甚多同知
丞判等官寥寥數輩應將各地方府州縣印官皆
令兼防守之責等語查有河地方府州縣官原有

兼管河道之責應如所題令兼管防守又疏稱將
府州縣官照河官之例處分議敘等語查先經直
撫李光地題為請定管河等事案內將管河佐貳
正印官員三年內有留心修濬者應酌量加一級
等因題請臣會議以道府同知通判州縣等官並
無議敘之例該撫題請議敘之處毋庸議等因題
覆在案今該撫疏稱兼管府州縣官應行議敘但
管河府州縣官從無議敘之例其所請議敘之處

毋庸議又疏稱永定河自三聖口以上南北兩岸
原係筆帖式分段巡防今除自郭家務至三聖口
南岸新工有舊南岸官兵可以移撤分管外其自
三聖口至柳岔今歲新修兩隄每岸設立筆帖式
二員按丈分管即於永定河効力副筆帖式十八
員內令分司揀擇呈送補授等語應如所題於副
筆帖式十八員之內揀選補授可也謹

題奉

月日記卷十
旨依議欽此

康熙四十二年十一月吏部為請汰河工冗員等
事臣等會議得吏部尚書管理直隸巡撫事務李
光地疏稱永定河兩岸設有分司二員正筆帖式
十八員副筆帖式十八員俟今年限滿後其留用
幾員之處令分司自行酌量揀選呈明具題永為
額設此外俱行裁去倘分司將才具不堪與幼少
未諳之人混行保補貽誤河工者應嚴定處分又

永定河既有歲修錢糧於搶修要緊之時遇有催夫採買等事與沿河州縣官協同催備如分公司發價短少應行叅處若州縣催備怠玩推諉貽悞者亦降清河一等定為處分之例再永定河兩岸分公司裁去一員止留一員總理河務似為責任專而無彼此隔膜之異等因前來除限滿正副筆帖式三十六員應行令分公司酌量揀選具保呈明該撫題定額設其餘俱行裁去外如分公司將才具不堪

年幼未諳之人混行保補貽悞河工者該撫查叅
照保薦不實例降二級調用查定例官員應給民
價不速給遲延者罰俸一年半給不給者降二級
調用竟不給者革職等語如公司遇搶修緊要之
時僱覓人夫採買物料不速給價或半給或不給
者該撫題叅到部照此例議處又定例官員奉修
衝決地方僱夫不發或將柳埽椿木等物不行速
買解送以致遲悞者降一級調用等語沿河州縣

官催備採買物料怠玩推諉貽誤者分司揭報該撫題叅到部降一級罰俸一年其北岸分司色圖渾南岸分司齊蘇勒此二員恭候

皇上裁去一員俟

命下之日臣等遵奉施行奉

旨色圖渾著裁去餘依議欽此

康熙四十三年二月吏部為請汰河工冗員以專職守事臣等議得先經臣部尚書管理直隸巡撫

事務李光地題為請汰河工冗員等事一疏內稱
永定河已留正筆帖式十一缺副筆帖式十一缺
此留用正副筆帖式二十二缺以二員管理錢糧
檔案二十員分派兩岸保守隄河永為定額其應
留用之員另行揀選咨部等因具題奉

旨該部議奏欽此到部續准該撫咨稱據分司齊蘇勒
將舒永義等正副筆帖式二十二員揀選頂補等
語又題為請

旨事一疏內稱查分司已將郭治補授今正副筆帖式
二十二員照定例留河分工領兵催夫保護工程
或照清河例交與沿河地方官再設同知一員領
兵催夫責成分司預期備料親身巡視催督料理
等因題請奉

旨該部議奏欽此到部查永定河筆帖式等官先經該
撫裁汰揀留在案今或應留用正副筆帖式二十
二員有益河工或應設立同知一員有益河工之

處相應移咨該撫定擬具題到日再議康熙四十三年二月十二日奉

旨永定河筆帖式著照該撫所題裁去設立同知具奏

欽此

康熙四十三年二月二十日吏部為請

旨事臣等議得臣部尚書管理直隸巡撫事務李光地疏稱分司已將郭治補授正副筆帖式二十二員照定例留河分工領兵僱夫保護工程或照清河

例交與沿河地方各官再設同知一員領兵僱夫
責成分司預期備料親身巡視催督料理等因題
請臣部議覆今或應留用正副筆帖式二十二員
有益河工或應設立同知一員有益河工之處移
咨該撫定議具題到日再議奉

旨永定河筆帖式著照該撫所題裁去設立同知具奏
欽此遵查先經原任總河王新命疏稱將霸州知州
蕭士璠陞授保定府管河同知文安縣知縣許天

馥陞授河間府管河同知等因臣部會同工部議
覆准行謹

題奉

旨依議欽此

康熙四十三年二月吏部為遵

旨請補河廳等事臣等議得臣部尚書管理直隸巡撫
事務李光地疏稱永定河照依清河例設立同知
除分司原有考成定例外其沿河府州縣地方官

亦應照依清河例俱兼防守之責查霸昌道屬並無知府應將沿河之固安永清霸州宛平良鄉涿州等州縣照清河州縣例霸昌道照清河知府例定其處分至所設永定河同知議敘處分之處俱照清河勒限三年為滿責任考成所有新設同知一員選得昌平縣知縣劉之頴樂亭縣知縣湯彞勤慎幹練俱可任使仰乞

皇上欽簡補授於河務有裨再查所設同知有承領河

兵催夫做工收發錢糧之事似應頒給永定河同知字樣關防以防偽詐至應給衙署人役俸食等項應於同知任事後另行咨部等因具題奉

旨湯燾著補授永定河同知餘著議奏該部知道欽此今永定河既設同知一員其議叙處分之處應如該撫所題照清河例應給永定河同知字樣關防移知禮部鑄給至應給衙署人役俸食等項亦照所題應於同知任事後另行報明該部再查湯燾

任內有捐米加一級紀錄三次今既補授永定河同知其加一級應改為紀錄一次共帶紀錄四次於新任康熙四十三年三月二十一日奉旨依議欽此

康熙四十三年四月吏部為欽奉

上諭事康熙四十三年四月二十一日大學士馬齊奉
上諭今日巡撫李光地啟奏永定河關係緊要看得分
司郭治不能河務若河有差悞郭治與臣兩人性命

甚輕但皇上以永定河之故不惜庫帑費用繁多不
避寒暑風雨屢次巡查指示並無濟益乞皇上另選
人員補授你問李光地用何等之人方好再問分司
齊蘇勒色圖渾人如何筆帖式內有知河務可用者
奏聞欽此問得李光地回奏仍設分司二員筆帖式
四十員於河務有益又問李光地你先啟奏裁汰
分司一員筆帖式一半今又說復設為何李光地
回奏我一時懵懂具題裁汰今日

皇上問及河務臣甚惶愧乞

皇上仍照前設立分司筆帖式問得齊蘇勒色圖渾在
分司任內三年行走勤慎檔子房筆帖式葛鋹皂
保崔廷棟色白赫催築各處工程緊要之時分派
料理並無貽悞歷練工程皂保已陞工部主事葛
鋹色白赫候補筆帖式缺崔廷棟候補通判缺等
因具奏奉

旨齊蘇勒已經六年止赴分司色圖渾在永定河三年

再留三年皂保以主事品級補授永定河分司連葛
鏞崔廷棟色白赫將舊筆帖式補十員照伊陞用班
次照常補用再補新筆帖式十員著爾等即速赴往
河工欽此抄出到部相應移咨直隸巡撫除將戶部
現任筆帖式葛鏞候補通判崔廷棟候補筆帖式
色白赫照例補用外將舊筆帖式內補授七員補
授新筆帖式十員將舊筆帖式內補授何人新筆
帖式補授何人併伊等旗色佐領有無品級或係

滿字或係番譯字樣逐一開明到部之日註冊可也

康熙四十四年十二月二十九日兵部為欽奉

上諭事准吏部尚書管理直隸巡撫事務今補授大學

士李光地咨稱康熙四十四年二月內本部院扈

駕南巡舟次面奏請定永定河把總任滿陞用之例等

因奉

旨永定河把總准一體考驗弓馬照營頭把總例合式

者陞為千總仍在河工辦事較俸陞用欽此
得北岸把總尹聯璧南岸把總田福生年力精壯
熟悉埽務兼嫻弓矢堪拔千總造具履歷咨請給
劄併繳原領把總舊劄二張前來除繳到舊劄查
銷外查把總尹聯璧田福生拔補千總應如該撫
所請換給千總劄付可也

康熙四十九年五月十四日工部為奏

聞事查得本部侍郎奏稱臣等於三月十九日至盧溝

橋會同分司色根等將衙門口村對直石隄一段
長一百二十丈真武廟前石隄一段長一百十丈
此二處石隄背後土有坍塌以致卑薄之處俱照
所題加高培厚自紀家莊隄起至龐村隄止土隄
長一千五百七十丈坍塌卑薄之處亦照所題加
高培厚其真武廟大溜頂冲之處甚屬緊要於此
酌量建挑水壩三座連護隄埽用過埽二百七十
丈迴龍廟舊石隄與土隄相接處亦係大溜頂冲

之處酌量建挑水壩四座連護隄埽用過埽三百六十個以上共築土隄一千八百丈挑水壩七座連護隄埽用過埽六百三十個原估工料銀一萬三千七百八十四兩六錢一分五釐臣等節省修理建築除節省銀三百八十四兩六錢一分五釐外實用過銀一萬三千四百兩將此節省銀兩交於節慎庫收貯用過土方並挑水壩等埽丈尺物料工價細數另行造冊報部外將修理完竣之處

具摺奏

閭臣等竊思

皇上愛民如赤子

特旨將此隄交與工部並分司等作速修理欽此臣等
催趨加緊堅固修理於五月十三日完工此隄附
近居民俱至隄所咸稱

皇上特為小民不惜錢糧將此隄工堅固修理嗣後不
但我等田地無虞即我等身命亦永得安逸歡呼

叩謝

天恩既蒙

皇上愛惜民生動帑修理若不差員看守被雨水冲刷車輛踐踏必致損壞查得此隄原係工部每年修理今差工部賢能章京一員看守永定河河兵八百名內揀選熟練河兵三十名交與章京敬謹看守章京一年限滿更替此三十名河兵仍令該分司另行召募嗣後此土隄如有冲决坍塌之處

該章京帶領河兵修補如此不用錢糧而隄工得
永遠堅固矣其挑水壩護隄埽倘有修補石隄坍
塌之處令該章京查明報部臣等親往驗查如應
修理即核算令其修理為此謹

奏奉

旨依議欽此

康熙五十五年四月二十日工部為遵

旨速議事臣等議得永定河分司根忒齊蘇勒奏稱臣

等將本年應領歲修銀一萬二千兩僱夫銀五千兩呈請直隸總督趙世傑具題部議將五十五年下半年需用料物動支永定河各官應賠銀兩辦料僱夫如有不敷於裁兵銀內撥給銀五千兩以爲僱夫之用臣等敢不仰遵但各官應賠銀兩雖經嚴催不能一時即得河工緊要時刻難緩若俟各官應賠銀兩備辦物料必致有誤請照總督趙世傑題請之數給發道庫銀兩以便備料其各官

應賠銀兩於一年內催完繳庫等語查先經直隸
總督趙世傑題請續撥永定河歲修銀一萬二千
兩僱夫銀五千兩臣部以五十四年兩岸分司同
知等官應賠工程值銀八千二百兩行令將此銀
兩動用辦料僱夫如有不敷再於裁兵銀內撥給
銀五千兩在案今該分司既稱應賠銀兩不能一
時即得請撥給道庫銀兩等語應行該督在於道
庫借給銀八千二百兩其各員應賠銀兩照例勒

限半年嚴追還項如限滿不完將各員查明題叅
又奏稱去歲大水隄工坍塌部議著落分守各官
現在照舊一律賠修其兩岸年久淤沙風雨損壞
卑薄隄工臣等欲乘農隙之際覓夫加築今查南
岸沙隄自高店起至牯牛河閘止北岸沙隄自鵝
房起至張客村止共長一萬一千三十三丈南岸
大隄自北村起至郭家務止北岸大隄自張客村
起至郭家務止共長二萬五千九百三十七丈照

舊一律加築除現有舊土併各官賠修月隄不敷
丈尺少土不計外共需土二十六萬一千九百零
三方六分以上共需銀二萬五千九兩九錢六分
臣等將土方丈尺細數造冊呈送直隸總督覆查
後再行興修其所需錢糧或照常自道庫取用或
派富戶之處相應請

旨等語查前項應修兩岸隄工程緊急若俟派出富
戶然後興修恐緩不濟急應動支道庫銀兩加築

再該分司既稱前項應修兩岸隄工需用土方丈尺細數造冊呈送直隸總督覆查後再行興修等語應行直督將前項隄工丈尺需用土方銀兩數目查核具題再該分司所奏著落分守各官照舊隄一律賠修至坍塌隄工併賠築之月隄係何年何案工程亦令該督查明報部再議可也謹

題奉

旨依議欽此

康熙五十六年四月十三日工部為請

旨事臣等議得先經總督管理直隸巡撫事務趙世傑
疏稱永定河兩岸應修沙隄大隄共長三萬六千
九百七十丈共需土方銀二萬五千九兩九錢六
分零前經分司等奏准興修目今正值農隙之時
未便延緩除令守道先發銀二萬兩乘時修理其
餘銀兩另行找給等因臣部以此項卑薄隄工需
用土方銀兩數目並未題估何得即動撥道庫銀

二萬兩且卑薄土工歷年俱在撥給歲修銀兩培修今分司根泰等又於卑薄之處復請加幫此項隄工是否即在歷年歲修之內覆令該督逐一查明具題到日再議去後今據該督疏稱永定兩岸沙隄大隄因年久卑薄經分司根泰齊蘇勒奏請加幫部覆動支道庫銀兩修築至歷年奉撥歲修銀兩原為搶救下埽非加幫之用今現修之郭家務以上隄工高寬丈尺俱與原估冊相符除發銀

二萬兩外請將未給銀五千九兩九錢六分零照
例找給等因前來查康熙四十八年該督題請借
支加幫郭家務以下卑薄隄工銀兩原稱在於各
員應領銀內扣抵還項在案今該督將此項加幫
銀兩是否仍在各員應領銀內扣抵還項並未聲
明再歷年歲修案內培補之工段丈尺又未分晰
開明不便即行找給應行該督將此等之處一併
查明具題到日再議可也謹

題奉

旨依議欽此隨經分司咨覆案查永定河兩岸老隄修築之後近二十年隄根屢被沙土淤埋隄頂久經風雨殘缺以致卑薄之處甚多此等隄岸並非疎防所致難以責令分管員弁賠修本司等於康熙五十五年三月內將此情由曾經面奏奉

旨是欽此遵於五十五年四月內又經本司等將前項老隄應修緣由併舊存土方及估計應加土方銀

兩數目繕摺具奏奉

旨工部速議具奏欽此隨奉部議前項應修兩岸隄工程緊急若俟派出富戶然後興修恐緩不濟急應動支道庫銀兩加築等因

題覆奉

旨依議欽此

康熙五十六年十月十九日永定河分司臣齊蘇勒為欽奉

上諭踏勘河道事先經臣等於本年三月初五日奏稱
本年二月二十二日挑汎水發臣自柳乂口駕小
舟隨大溜前往查勘永定河水由柳乂口南二十
里會入新章大河轉迤東南向揚芬港瀉流從前
由新章通褚河港之河道今間段淤塞船不能行
自西沽所來鹽貨船隻俱由褚河港之南揚芬港
大河行走揚芬港係數河交會之要口現離永定
河渾水不遠相去運河不過十五里

聖主深慮洞見者甚是倘由褚河港以南漸漸淤去目下雖屬無妨日久恐於運河有礙再看子牙河水直奔王家口流來其勢迅湧大溜不讓於永定河兩河相離既遠而又橫隔於臺頭之大河似若兩不相礙但褚河港所淤河身原係永定河洩水之道若將此淤塞之處取近挑通引永定河之水照常直會東沽港往下出洩則渾流可與運河相遠而新章之河道庶不致於淤塞矣再看永定河水

勢大發之候大溜直會新章清渾兩流甚屬迅暢
至永定河水勢稍落遇清水相敵之際清渾兩流
雖不至於迅湧尚能汕刷不至停沙及至清河永
定河兩水相等之候而清渾兩流不但滯緩且渾
水又向兩旁漫散此係淤墊之端臣請於本年麥
黃伏秋三汛將兩河水勢消長情形厯久試驗奏

聞恭請

聖訓治理等因奉

旨候此三汛久試細驗甚好爾加意試看俟交冬令朕
再籌奪其褚河港淤墊之處暫停挑挖亦俟冬令籌
奪欽此臣等候至本年麥伏秋三汛詳久試看消長
情形永定河水發之時大溜抵新章會清河清渾
兩流俱屬洶湧毫無淤墊至永定河水落被清河
之水抵敵之際清渾兩流汕刷而流亦不致有沙
停今歲麥汛清渾兩河並發並消此間俱無淤墊
之狀迨至伏秋兩汛清河之水發之於前永定河

之水發之於後而清河之水勢居強渾水為之逼
退不能遠漫照常隨清河而瀉以此不致向南淤
墊自於運河無礙至子牙河水由王家口瀉出流
入臺頭等河建瓴而下照舊順暢其勢不讓永定
河流再看褚河港所淤之河經今年伏秋兩汎水
勢汕刷抵東沽港四里有餘自行刷成河道現今
雖不致於甚深俟河凍水流冰下愈可刷深之候
臣等遵照

聖訓鑿開冰孔搖椿治理易於疏通但褚河港以上淤淺之處尚存應俟來年河枯之時酌量挑通可也為此謹將試看情形奏

聞奉

旨知道了欽此

康熙五十七年二月二十三日工部為請

旨事臣等議得先經總督管理直隸巡撫事務趙世傑以永定河加幫隄工案內除先動道庫銀二萬兩

外尚未給銀五千九兩九錢六分零題請找給等
因臣部以永定河兩岸卑薄隄工歷年俱在歲修
案內培修況四十八年用過加幫銀兩已於在工
各員應找銀兩內扣抵還項並未動支正項錢糧
令該督將從前動用道庫銀兩作何著落確查定
議併將工程細數造冊具題到日再議去後今據
該督疏稱歷年歲修銀兩原為購買料物搶險下
埽之需其頂冲窪下之處略行培補三四段不等

並未將二百餘里舊隄一概加幫是此項工程不在歲修之內至用道庫銀兩係奉部覆動支原非借項可比難照四十八年題明借用於各員應領銀內扣抵還項致滋賠累其應找銀五千九兩九錢六分零應請照數找給等因前來查該督既稱厯年歲修銀兩原為搶險下埽之需此項工程不在歲修之內其動用道庫銀兩非四十八年題明借用可比難於各員應領銀兩扣抵還項等語應

毋庸議除先給過道庫銀二萬兩外其未給銀五千九兩九錢六分零應准其找給可也謹

題奉

旨依議欽此

康熙五十八年十月二十一日永定河分司雅思
海齊蘇勒呈為欽奉

上諭事職司等奏稱十月初一日臣等奉

上諭今歲水大隄工勢必多有殘缺如有應行修理之

處爾等奏請欽此臣等口

奏今歲河水雨水皆大幸賴

聖主所治之河已定值此大水河道依然完存石隄雖
坍因隄根大石未動是以大溜未能外遷土隄雖
漫而所溢之水俱有舊河達淀再隄外雨水浩瀚
在在泛濫幾與隄頂相平臣等目擊村莊被圍情
形仰懇

聖訓於河水消落之後故將大隄挑開俾平地漚水盡

歸大河又泥安村一帶隄外瀝水亦由埧隄之口
歸入大河直達淀隰茲因清渾兩水俱由永定河
出洩所有河工官兵兩岸居民莫不懽聲雷動欽
服我

皇上改河口於柳岔口之得宜也今各處漫口雖經陸
續圈築月隄併下埧堵塞完竣但兩岸隄工屢經
大水刷汕兼之溜沙淤墊以致矮薄參差不一必
須加幫修理方克有濟等因口奏奉

旨是欽此欽遵在案臣等率領河員將兩岸經過大水甚被汕刷參差隄工細加量勘南岸沙隄自高店起至牯牛河閘止北岸沙隄自鵝房起至張客村止共長一萬一千零八丈高三尺至五尺五寸不等頂寬一丈二尺至一丈五尺不等底寬三丈至四丈五尺不等內除不甚汕刷隄岸止將隄頂取平修理外其餘均應加至高五尺頂寬一丈五尺底寬四丈五尺合算除現在舊土外共計應用新

土三萬五千六百四十三方一分四釐五毫南岸
石隄自牝牛河閘起至北村止共長四千四百四
十丈其背後土隄高二尺至六尺不等頂寬八尺
至九尺不等底寬一丈四尺至二丈不等今均應
加至高八尺頂寬一丈三尺底寬三丈合算除現
在舊土外共計應用新土五萬零四百九十六方
二分南北兩岸大隄共長四萬四千九百八十丈
高二尺至八尺不等頂寬六尺至一丈五尺不等

底寬二丈至四丈五尺不等今相度地勢高矮情
形加至高七尺至八尺不等頂寬一丈四尺至一
丈五尺不等底均加至寬四丈五尺合算除現在
舊土外共計應用新土三十八萬六千七百二十
二方七分六釐看得內有大灣之隄今歲大漲水
被圈阻甚費人力似此隄工應行取直修築至不
甚汕刷隄岸應止將隄頂取平修理查得定例沙
隄每土一方應給工價銀九分大隄每土一方應

給工價銀一錢二分今因易於僱夫之候臣等嚴
加核減沙隄每土一方節省一分給銀八分大隄
每土一方節省銀二分給銀一錢石工修築背後
土隄須遠方取用好土每土一方應給銀一錢二
分以上共計用銀四萬七千五百八十三兩二錢
七分一釐六毫節省銀八千零九十兩八錢八分
零臣等將所估土方丈尺細數造冊呈送直隸總
督俟工完之日查核

題銷再查康熙四十年四月內臣等為請節錢糧等
事一案呈請

題明將永定河河兵裁去一千二百名每年節省兵
餉銀一萬六千兩零內除每年用過八千餘兩催
夫外自裁兵以來共節省存剩兵餉銀十五萬餘
兩原

題內開其裁兵餉銀解庫如遇工程緊急時催募民
夫等語今年堆修盧溝以南沙岡已奉部

題明撥給過三千兩催夫應用今前項工程或仍動
用此項節存餉銀或另派富戶修理之處伏乞

聖裁謹

奏奉

旨著派富戶欽此欽遵今派出正黃旗漢軍原任知府

董天錫正紅旗漢軍御史張國棟到工理合呈明

康熙五十八年十月二十一日永定河分司雅思

海齊蘇勒為請

旨事竊查今歲清渾兩水併力將郭家務以下河身汕刷甚深向年淤埋排椿露出數處兩岸河涯猶如皇上治河之時高至五六尺不等其郭家務以上

皇上指示之挑水壩共二十七座經今歲大水所有危險隄工數處賴此挑水壩之益隄岸無妨得以完存但此項挑水壩工既經年久又屢被大水汕刷以致朽埽蟄陷樁木歪折者居多須於汛前速為加脩修理以資防禦查挑水壩工甚有裨益如有

應添之處應再酌量創行添修其需用銀兩除歲修錢糧之外請動道庫銀六千兩以便及時興修工完之日將修過丈尺用過物料錢糧數目分晰造具細冊呈送直隸總督查核

題銷可也為此謹

奏奉

旨著派富戶欽此

康熙五十九年二月十二日工部為欽奉

上諭事查得永定河分司雅思海齊蘇勒呈稱遵
旨將兩岸被大水汕刷不齊之隄又

皇上指示之挑水壩並應添築之挑水壩率領所派富
戶董天錫張國棟修理董天錫出銀四百兩張國
棟出銀四千兩止修理挑水壩共二十四座其舊
挑水壩三座並新添應築挑水壩六座富戶董天
錫等不肯出銀脩料奴才等恐有貽誤率領河員
將新舊挑水壩墊辦完竣又修隄銀四萬七千五

百餘兩富戶等分釐未出屢次催促只說不能各
相推諉伊等蒙

皇上洪恩為官出過大差之人理應誠心効力今將挑
水壩不照數修完又幫築隄岸銀兩推諉貽悞應
交該旗確查家產如有隱匿交與該部從重議處
今正值水發應預備修理之時或將裁汰河兵節
省錢糧暫動給修完竣將此項銀兩仍著落伊等
賠還或另派富戶修理之處請

旨等因前來查永定河工程關係緊要若咨查該旗俟查明之時再行修理必致貽悞應如該分司所請將裁汰河兵節省錢糧暫行動給修理其董天錫張國棟應交與各該旗確查伊等家產如果有隱瞞之處交與該部從重議處將所動錢糧著落伊等家產賠還原項若無隱瞞實係不能該旗保題到日臣部題請另派富戶將此項錢糧即著落所派富戶補還原項可也謹

奏奉

旨依議欽此

康熙五十九年工部為欽奉

上諭事查得永定河分司雅思海齊蘇勒呈稱永定河
參差隄工與挑水壩及應添修之處奉

旨派出富戶原任知府董天錫御史張國棟到工止據
捐過銀四千四百兩修過挑水壩二十四座其未
完之壩河員恐有貽悞墊辦完竣其修隄銀兩分

釐無交隨經具摺奏部議將裁汰河兵節省錢糧暫動修理另派富戶著落補還又五十九年歲修等銀俱著富戶補項在案今舊富戶張國棟等奉

旨寬免而代伊等之富戶有無派出未奉部示竊思前借庫銀難容久懸而張國棟等所修之挑水壩工例有保守自應著落代伊等派出之富戶保守今應派富戶未到前項捐工不便動用正項錢糧伏

乞迅派富戶催令赴工一面指示應守壩工一面
行令赴庫交帑再永定河水勢無定每年所用
錢糧難以畫一今既派出富戶所有撥剝錢糧如
有存剩應還富戶如或不敷仍令富戶出銀辦料
等因前來查本年五月二十日奏事雙全將修理
永定河用過銀八萬三千五百餘兩派富戶補還
一案啟奏奉

旨派出謝履厚欽此當經行文直督並劄該分司知照

在案今再行傳催謝履厚速赴道庫將前項撥借銀兩照數補還原項至建壩築隄保守工程係河員專責如有墊陷該分公司即應修補且永定河兩岸綿長不過二百餘里每年歲修用銀亦不過二三萬兩今五十九年除張國棟等捐銀四千四百兩外該分公司又動用庫銀八萬三千五百餘兩比照往年用過銀兩甚屬浮多應劄該分公司將修過工程核減造冊報銷之日再議可也

康熙五十九年工部為欽奉

上諭事查得永定河分司雅思海齊蘇勒呈稱奉部劄
開五十九年動用庫銀八萬三千五百餘兩比照
往年甚屬浮多為查永定河兩岸共長四百餘里
水勢奔湍不下黃河每年准銷歲修銀兩有三萬
六千以至三萬九千餘者惟是工程多寡原無額
定因去年水勢奇漲危若累卵蒙

皇上特派富戶修理隄工此八萬三千五百兩之內有

四萬七千五百餘兩係修隄之用並非全用於歲修其挑水壩係

聖主親指修築因年久朽壞去年奏明奉

旨特派富戶整復之工更與歲修無涉至歲修銀兩原以防護隄工新舊險要之用今歲兩次撥銀三萬六千兩較與准銷之數尚屬減少並無浮多且去年汎水浩大險工甚多今歲搶修必須加倍方資捍禦未便以往年錢糧之數目為浮多也再謝履

厚係特派修理永定河之員自應飛騎到工眼同辦料急公搶修如錢糧不敷即行捐出如有餘剩亦便領回今派出五旬既不赴庫還項又不親身到工似此規避殊非臣子之誼且永定河出銀捐工人員題定保固三年謝履厚係代張國棟等派出之富戶則張國棟等捐修之壩自應著該員保固今並未到工前項捐修之壩在在沈墊應動支何項錢糧修理伏候部示再奉部續撥歲修等銀

一萬五千兩今經兩汛已經支用銀一萬一千兩
現在汛水頻發搶修急若星火除飛請直督撥給
四千兩以濟急用外倘嗣後水勢浩大錢糧不敷
或再呈請題撥或仍著謝履厚捐出亦請大部裁
示至奉部劄建壩築隄係河員專責但永定河分
管領帑承修之工例應河員保固至富戶捐修
之工俱係富戶自行保守等因前來查永定河兩
岸隄工每年題請撥給歲修銀兩案內俱稱將兩

岸卑薄隄工加高培厚是歲修幫隄總屬永定河工程今稱五十九年動支庫銀八萬三千五百餘兩內四萬七千五百餘兩係修隄之用並非全用於歲修在該分司竟將一處工程分作兩項矣且今歲歲修幫隄共動支道庫銀八萬三千五百餘兩較比往年甚屬浮多凡有應修之處總在該分司所估之內何得又有倘錢糧不敷或呈請撥給或仍著富戶捐出之請也且借動道庫銀兩前經

兩次題明俟派出富戶著落補還原項等因奉
旨依議欽遵在案康熙五十九年五月二十日奏事雙
全將修理永定河用過銀兩派富戶補還啟奏奉
旨派出謝履厚是謝履厚奉

旨派出原只令其補項並未令其赴工今本部已經催
令速行照數補庫至該分司所領道庫銀兩早已
修築隄工則保守防護係在河員何得又令富戶
保固再挑水壩工係張國棟等捐修如有沈墊該

分司即動支所領道庫銀兩補修併將應修之處照原估銀數相機修防不得推諉以致貽悞可也
康熙六十一年二月十二日工部為欽奉

上諭事臣等議得總督管理直隸巡撫事務趙世傑疏稱永定河南北兩岸沙隄大隄並南岸石工背後土隄因康熙五十八年被水汕刷經分司雅思海齊蘇勒估計修築原計工料銀四萬七千五百八十三兩零今據兩岸分司呈報於五十九年九月

二十六日完工委員丈勘悉與原冊相符除節省銀一百二十三兩二錢零外實用土方銀四萬七千四百六十兩零等因前來查前項工程既經修築完工其用過銀兩應准開銷其節省緣還銀一百二十三兩二錢零貯庫為河工之用可也謹

題奉

旨依議欽此

永定河志卷十